



**PLEC PARTICULAR DE CONDICIONS TECNICO-FACULTATIVES ENTATH
PROFITAMENT DE HUSTES
ENE MONTE D'UTILIDAD PUBLICA
NUM 283 "PALES DE SOTO" QUE TANH A BETREN
(TÈRME MUNICIPAU DE VIELHA E MIJARAN)**

1 - Identificacion deth monte

Denominacion: Pales de Sòto

Nombre deth Catalog d'Utilidad Publica: 283

Apertenença: EMD Betren, deth tèrme municipau de Vielha e Mijaran

2 - Caracteristiques e descripcion deth profitament

2.1 - Justificacion deth caracter extraordinari deth profitament

Entres ans 2016 e 2018 es Entitats propietaries des montes d'UP e eth Conselh Generau d'Aran, signeren un **Convèni** qu'à per objècte era mobilizacion de biomassa forestau des montes d'Utilitat Publica entath sòn posterior usatge coma hònt energetica en establiments publics e privats d'Aran e a on eth Conselh Generau pòt encomanar era realizacion dera limpiesa e/o trebalhs silvicòles a quinsevolh empresa tostemp que, complisque es requisits tecnicos e administratius que se solliciten e qu'era legislacion vigenta ac permete.

Pendent er an 2019 se procedic per part de tècnics deth Conselh Generau d'Aran a senhalizar es unitats d'actocion der **èish num 17** nomenat **Tuca-Pontet**, establìt dejà ena Programacion tà biomassa entath període 2020-2030.

Es actocions s'an diferenciat en dus tipus: es unitats damb husta prima (MD) principaument e que ja s'an finalizat a dia d'auè, e es actocions enes unitats a on predominen es arbes tamb diamètres de mès de 26 cm e tamb husta ben valorada. Era pèrta des merques, er interès comerciau que presente aguesta husta en aquest concret moment e pera localizacion en aquest èish viari, suggerís qu'ei convenient procedir de manera urgenta ara sua venta e profitament, abantes dera desaparicion des mèrques e mèrma des sòns atributs comerciaus.

2.2 - Localizacion

Era zòna objecte deth profitament ei constituïda per petites unitats d'actocion independents a on majoritàriament i a husta grossa (arbes d'entre 28 e 70 cm de diamètre normau) e que s'estenen ath long dera **via de tretu principau** nomenada **Tuca - Pontet** (referit coma **èish num 17** ena Programacion tà biomassa entath període 2020-2030) que i a entre es dus montes.

Era ubicacion concreta d'aguestes **unitats d'actocion** figure en plano annex ad aquest Plec e s'identifiquen tamb numeracion romana tal e coma s'indique ara seguida:

- **MUP num 283:** XIV, XV, XVI, XVII, XVIII, XIX, XX, XXI, XXII, XXIII, XXIV, XXV e XXVI

2.3 - Límits dera demarcacion

Totes es unitats d'actocion s'identifiquen pera sua continuïtat a camins o pistes forestaus accessibles damb camion de monte e era intervencion minima demore limitada en ua **franja de 25 m d'amplada** (mesuradi sus eth terren) **per dessus eth desmonte** dera via e **de 45 m d'amplada** (mesuradi sus eth terren) **per dejos eth terraplen**.



2.4 – Causa cèrta

Bracada de **2.045 pès**, principaments d'auet (*Abies alba*) mercats damb pentura e classificats en dues categories, MD (husta prima) de 14 a 26 cm de diàmetre normau e MG (husta grossa) de 28 a 82 cm de diàmetre normau.

Eth tractament silvicòla a realizar ei ua bracada de causida pè a pè damb caractèr de melhora e damb era següent **distribucion diametrica** orientatiua (\emptyset ei eth diàmetre normau mesurat ara nautada de 1,3 m deth solèr):

- 14 cm $\leq \emptyset \leq$ 18 cm: 706 arbes
- 20 cm $\leq \emptyset \leq$ 26 cm: 485 arbes
- 28 cm $\leq \emptyset \leq$ 42 cm: 503 arbes
- 44 cm $\leq \emptyset \leq$ 82 cm: 351 arbes

2.5 - Quantía aproximada

1.839 mètres cubics de husta evaluats tamb cròspa e enquia 7 cm en punta prima e senhalats en ua superficia aproximada de **16 ha**.

Tot e qu'eth volum estimat ei de 1.839 m³, se considere qu'eth 90% deth volum de husta d'entre 28 e 82 cm de diàmetre serà era que resultarà tamb un destin comerciau ben valorat, en conseqüència eth volum reau de **husta comerciau objecte d'aguest profitament ei de 1.372 m³**.

Es categories diametricas queden distribuïdes dera següent manera:

- 14 cm $\leq \emptyset \leq$ 18 cm: 105 m³
- 20 cm $\leq \emptyset \leq$ 26 cm: 209 m³
- 28 cm $\leq \emptyset \leq$ 42 cm: 548 m³
- 44 cm $\leq \emptyset \leq$ 82 cm: 977 m³

3 – Modalitat d'alienacion

En pè, tamb cròspa e a risque e asard.

4 - Taxacion

4.1 - Prètz base

25.000,00 € (vint-e-cinc mil euros).

4.2 - Prètz índex:

31.250,00 € (trenta un mil dus cents cinquanta euros).

4.3 - Impòsti:

Es prètzis precedents non includissen er IVA ne cap tipe de taxa locau, er impòrt deth quau aurà d'èster abonat per adjudicatari deth profitament.

5 - Termini d'execucion

Un an a compdar der autrejament dera licència de gaudiment.

Er otorgacion d'aguesta licència, aurà d'èsser efectiva en termini de **4 mesis** des dera adjudicacion definitiva, e demorarà supeditada ath compliment de totes es condicions



tecnicas e economicas requeridas pera Entitat propietària. Er incompliment d'aguest punt supause era anulacion dera adjudicacion definitiva.

6 - Epoca de realizacion

Tot er an.

7 - Condicions Generaus

Es trebalhs que tanhen ath present Plec son sometudi as nòrmes que regulen es profitaments enes Montes d'Utilitat Publica. En conseqüència, entà tot aquerò non indicat de manera explicita en aguest document seràn d'aplicacion es prescripcions establides en Plec Generau de Condicions Tecnicas-Facultatives (Resolucion de 24/04/1975) e en Plec Especiau de Condicions Tecnicas-Facultatives (Resolucion de 06/05/1975).

8 - Condicions especificas

8.1 - Contròtle deth profitament

Se portarà a efècte peth personau tecnic deth Conselh Generau e representants dera entitat propietària deth **MUP num 283**, propietat de Betren).

Se lheuaràn **actes** de liurament o de quina auta natura sigue prevista ena legislacion vigenta quan atau siguen sollicitades peth beneficiari o ac decidisquen discrecionalment es parts implicades en eth contraròtle deth profitament.

Abantes d'inciar es trebalhs, er adjudicatari aurà d'entregar **obligatòriament** as servicis tecnicos deth Conselh Generau d'Aran e èster validat pes madeishi, un **Plan de treball** a on s'especificaràn es tempsi e manera de procedir en tot eth profitament, eth personau qu'ac executarà e maquinaria que i treballarà.

8.2 - Execucion dera bracada:

Sonque se bracaran aqueri **arbes senhalats** damb mèrques de pintura dispausades dera següent manera:

- Tamb **dos punts en zònes oposades deth tronc**, es arbes de diàmetre normau d'entre 14 e 26 cm (inclusives) classificats ena categoria MD (husta prima).
- Tamb **dues crotzes en zònes opausades deth tronc ath delà d'un punt ara basa deth madeish**, principaments enes arbes de diàmetre normau de més de 26 cm classificats ena categoria MG (husta grossa).

En eth cas que non existisse bèra ua des dues mèrques, er arbe **non poderà abater-se sense conformitat prealbla des tecnicos** Serà responsabilitat deth rematante verificar, abantes de bracar, er arbe qu'efectivaments presente era mèrca e chaspe.

Auràn de bracar-se toti es arbes mercats, maugrat que non interèsse era sua extraccion, e incluidi aqueri non maderables.

Era **caiguda des arbes** se dirigirà de manera que se produisques eth menor damatge possible ar arbrat restant, en tot preservar-se més que més eth regenerat existent.

Era **nautada dera tocona** der arbe bracat aurà d'èster inferior a 10 cm mesurat ena zòna aigües en sus.



A fin d'evitar dammatges sus er arbrat residuau, cau **desbrancar** eth tronc abans d'èster desemboscat.

En cas que demoren **maumetuts**, trincadi o doblegats pera caiguda des arbes, pès de mès de 20 cm de diàmètre, auràn de trocejar-se coma d'ua rèsta dera bracada se tractèsse.

Des **arbes bessons de mès de 26 cm de diàmètre**, se bracaran unicaments aqueri pès mercats en tronc, e qu'era soca presente tanti punts de pentura coma pès bessòns se tròben mercadi. En es casi en qué solament sigue mercat bèth arbe bessòn e calgue respectar es restants que compartissen era madeisha basa, era seccion de bracada des tocones li calerà presentar ua inclinacion superiora a 30 grads respecte era orizontau.

Es socs auràn d'auer estat ellaborats (despuntats e desbrancats), abantes d'èster desemboscats.

En cas que se braque beth arbe de mès de 26 cm de diàmètre normau e considerat pera administracion forestau coma **damatge inevitable**, aurà d'èster senhalizat peth operari damb ua crotz, tant ena tocona coma en tronc, entà atau poder comptabilizà'c posterioraments ara sua bracada. Aguesti poderàn èster retiradi per adjudicatari ath prètz unitari dera adjudicacion.

An d'extreir obligatòriament deth monte toti es productes qu'en trozas (socs) de mínim, 2 m de longitud, e qu'agen un diàmètre en punta prima parièra o superior a 12 cm.

Es trozas (socs) qu'era sua dimension en punta prima artènhe un diàmètre minim de 20 cm poderàn abandonar-se en solèr sense èster profitades, mès desbrancades e tamb longituds inferiores a 5 m.

Eth profitament aurà **d'iniciar-se obligatòriament** pes unitats d'actocion deth **MUP 283** tamb era següent seqüència: XVIII, XXI, XX, XIX, XVI, XVII, XXIV, XXIII, XXII, XIV, XV, XXIX e XXX. Excepte que s'autorize explicitaments per part d'era Administracion forestau, li calerà acabar cada unitat d'actocion abantes d'iniciar es trebalhs en ua auta.

8.3 - Restes de bracada

Es rèstes o despolhes vegetaus de redussides dimensions generats coma conseqüència deth profitament (branques e capçades des arbes) auràn de trocejar-se a ua **longitud inferior a 1,5 m**.

Es arbes de diàmètre normau inferior a 14 cm que resulten maumetuts coma conseqüència dera bracada e desembosc, auràn de talhar-se e tractar-se de igual manera qu'es restes de bracada (trocejat en longitud inferior a 1,5 m).

Ena **franja de 10 mètres** a banda e banda dera via de treta, es rèstes de bracada s'auran de trocejar en tamanhs de **longitud inferior a 0,5 mètres** o eliminar-se mecànicament.

Eth trocejat se aurà de hèr de forma simultània ara elaboracion dera husta e er incompliment d'aguesta clausula serà motiu dera **interrupcion immediata** deth profitament.

8.4 - Vies de treta

Era infraestructura viària se qualifique coma sufisentament bona tamb eth sòn estat actuau entara extraccion dera husta. Donques, s'er adjudicatari considerèsse convenient eth sòn condicionament, eth finançament dera òbra correrie ath sòn compde.



Es mashines e es camions sonque poderàn interrómper eth trafic rodat pes vies de treta en moments puntaus en qu'es prumères siguen desemboscant e es camions cargant.

S'autorize er apilament dera husta enes amples dera via, es cargaders establits ath long d'aguestes, o ath cant deth desmorte e terraplen, tostemp que demore abilitat eth pas entà tot tipe de veicles rodats.

A mesura que se concludisquen es trabalhs enes cada unitat d'actocion, auràn de retirar-se es rèstes de braçada dera explancion dera via de treta (inclodint cauçada, desmorte e terraplen).

8.5 – Profitaments extraordinaris:

Se pendent eth termini d'execucion deth profitament se produsissen damatges coma conseqüència de ventades, nhèu, plagues, incendis o ua auta causa imprevista, es productes poderàn èster liuradi ar adjudicatari ath prètz unitari dera acabada o ben a un aute inferior era arrason ath sòn grad de pèrta e cada viatge qu'eth sòn volum non excedisque 25% deth profitament adjudicat. Er eth cas qu'eth volum siguesse superior, se procedirà a ua naua adjudicacion.

Dera madeisha forma, se seguirà entàs productes procedenti de bracades fraudulentas realizadi per tresaus e entad aqueri derivadi de tractaments silvícoles.

8.6 - Consideracions economicas:

Es despenses que se genèren coma conseqüència des operacions “de contada en blanco” (recompde), atau coma d'autis mesuraments sollicitadi per adjudicatari, auràn d'èster pagadi peth pròpri rematant.

Eth prètz d'adjudicacion poderà èster revisat s'eth profitament siguesse objècte de prorròga.

8.7 – D'autes consideracions

Er adjudicatari a de dar avís ara administracion forestau **der inici e fin des trabalhs, 5 dies abans** dera data.

Er adjudicatari li cau complir es condicions mercades pera legislacion en vigor, en çò que tanh a **Seguretat e Salut** er eth trabalh.

Er adjudicatari, abans d'iniciar era òbra o trabalh forestau, li calerà presentar per escrit e deuant era administracion forestau era **relacion des treballadors e encargat** d'aguest profitament, ath delà dera **maquinària** que trabalharà ena zòna e un plan de trabalh d'aguest profitament.

Era **senhalizacion corrècta des trabalhs** d'aguest profitament serà obligatòria e serà a cargue deth **adjudicatari**.

Engenhaira Forestau Conselh Generau d'Aran
Signatura electronica